

四庫全書

集部

欽定四庫全書

集部

御定全唐詩卷二百三十八

詳校官庶吉士臣胡鈺

主事銜臣徐以坤覆勘

總校官知縣臣繆琪

校對官典簿臣劉景岳

謄錄監生臣龔輝遠

欽定四庫全書

御定全唐詩卷二百三十八

錢起

送集賢崔八叔承恩括圖書

雨露滿儒服天心知子虛還勞五經笥更訪百家書
贈別傾文苑光華比使車晚一作曉雲隨客散寒樹出關疎
相見應朝夕歸期在玉除

送張五員外東歸楚州

欽定四庫全書

御定全唐詩

卷二百三十八

纓珮不為美人羣寧免辭杳然黃鵠去未負白雲期此
別清興盡高秋臨水時好山枉帆僻浪跡到家遲他日
詔書下梁鴻安可追

閒居寄包何

去名即棲遁何必歸滄浪種藥幽不淺杜門喧自忘林
眠多曉夢鷗散驚初陽片雪幽雲至迴風鄰果香佳期

碧天末惆悵紫蘭芳

一作房

津梁寺尋李侍御

禪林絕過客柱史正焚香
馴鴿不猜隼慈雲能護霜
驄聲隔暗竹吏事散空廊
霄漢期鴛鴦狐狸避憲章
遠堦春色至屈草待君芳

山園秋晚寄杜黃裳少府

惆悵佳期阻園林秋景閒
終朝碧雲外唯見暮禽還
泉石思攜手煙霞不閉關
杖藜仍把菊對卷也看山
望望離心起非君誰解顏

東溪杜

一作社

野人致酒

萬重雲樹下數畝子平居野院羅泉石荆扉背里閭
早冬耕鑿暇弋鴈復烹魚靜掃寒花徑唯邀傲吏車
晚來留客好小雪下山初

憶山中寄舊友

數歲白雲裏與君同采薇樹深煙不散溪靜鷺忘飛
更憶東巖趣殘陽破翠微脫巾花下醉洗藥月前歸
風景今還好如何與世一作此興違

東臯早春寄郎四校書

祿微賴學稼歲起歸衡茅窮達

一作途

戀明主耕桑亦

一作

迹近郊夜來霽山雪陽氣動林梢蘭

一作萌

蕙暖初吐春

鳩鳴欲

一作始

巢蓬萊時入夢知子憶貧

一作與平

交

玉山東溪題李叟屋壁

霞景已斜照煙溪方暝投山家歸路僻轍跡亂泉流野
老採薇暇蝸廬招客幽麝麇突荒院鷓鴣步閒疇偶此
愜真性令人輕宦遊

溫泉宮禮見

新豐佳氣滿聖主在溫泉雲暖一作暖龍行處山明日馭

前順風求至道側席問遺賢靈雪瑤墀降晨霞綵仗一作

旆懸滄溟不讓水疵賤也朝天

遊襄陽泉石晚歸

遊目隨山勝迴橈愛浦長往來幽不淺昏旦興難忘木末看歸翼蓮西失夕陽人聲指閭井野趣惜林塘稍近垂楊路菱舟擁岸香

夏日陪史郎中宴杜郎中果園

何事重逢迎春醪晚更清林端花自老池上月初明路
入仙郎次烏連柱史名竹陰疎柰院一作苑山翠傍蕪城
引滿不辭醉風來待曙更

南溪春耕

荷蓑趣

一作趨

南逕戴勝鳴條枚溪雨有餘潤土膏寧厭

開溝塍落花盡耒耜度雲迴誰道耦耕倦仍兼勝賞催
日長農有暇悔不帶經來

省試湘靈鼓瑟

善鼓

一作拊

雲和瑟常聞帝子靈馮夷空

一作徒

自舞楚客

不堪聽苦調淒金石清音入杳冥蒼梧來

一作成

怨慕白

芷動芳馨流水傳瀟

一作湘

浦悲風過洞庭曲終人不見

江上數峰青

觀法駕自鳳翔迴

攬搶一掃滅閭闔九重開海晏鯨鯢盡天旋日月來聖

情蘇品物龍御

一作馭

闢雲雷曉漏移仙仗朝陽出帝臺

周慚散馬出禹讓濬川迴欲識封人願南山舉酒杯

題王山村叟屋壁

一本無屋字

谷口好泉石居人能陸沈牛羊下

一作上

山小

一作去

煙火

一作雨

隔雲

一作林

深一逕入溪色數家連竹陰藏虹辭晚

雨驚隼落殘禽涉趣皆流

一作留

目將歸羨

一作必

在林却

思黃綬事辜負紫芝心

縣中池竹言懷

官小志已足時清免負薪卑棲且得地榮耀不關身自

愛賞心處叢篁流水濱荷香漆高枕山

一作春

色滿南鄰

道在即為樂機忘寧厭貧却愁丹鳳詔來訪度園人

山園棲隱

守靜信推分灌園樂在茲且忘堯舜力寧顧尚書期晚
景采蘭暇空林散秩時卷荷藏露滴黃口觸蟲絲三徑
與囂遠一瓢常自怡情人半雲外風月詎相思

送王諫議任東都居守

車徒鳳掖東去去洛陽宮暫以青蒲隔還看紫禁同經
過乘雨露瀟灑出駕鴻官署名臺下雲山舊苑中暮天

雙闕靜秋月九重

一作門

空且喜成周地詩人播國風

送鄭書記

決勝無遺策辭天便請纓
出身唯殉死報國且能兵
受命麒麟殿參謀驃騎營
短簫催別酒斜日駐前旌
義勇千夫敵風沙萬里行
幾年丹闕下侯印錫書生

送族姪赴任

一作之郡

林下不成興仲容微祿牽客程
千里遠別念一片一作帆
懸欲歎卑棲去其如勝趣偏
雲山深郡郭花木淨潮田

坐嘯惟應下離居月復圓此時知小阮相憶綠尊前

長安落第作

始願今如此前途復若何無媒獻詞賦生事日蹉跎不
遇張華識空悲甯戚歌故山歸夢遠新歲客愁多刷羽
思喬木登龍恨失波散才非世用回首謝雲蘿

一作羅

酬長孫繹藍溪寄杏

愛君藍水上種杏近成田拂逕清陰合臨流彩實懸清
香和宿雨佳色出晴煙懿此傾筐贈想一作相知懷橘年

芳馨來滿袖瓊玖願訓篇把玩情何極雲林若眼前

藥堂秋暮

隱來未得道歲去媿雲松茅屋空山暮荷衣白露濃唯
憐石苔色不染世人蹤潭靜宜孤鶴山深絕遠鐘有時
丹竈上數點絳霞重勉事壺公術仙期待赤龍

哭常徵君

萬化一朝盡窮泉悲此君如何丹竈術能誤紫芝焚不
遂蒼生望空留封禪文遠年隨逝水真氣盡浮雲山閉

龍蛇蟄林寒麋鹿羣傷心載酒地仙菊為誰薰

送鮑中丞赴太原軍營

年壯才仍美時來道易行寵兼三獨任威肅貳師營將
略過南仲天心寄北京雲旂臨塞色龍笛出關聲漢月
隨霜去邊塵計日清漸知王事好文武用書生

奉送劉相公江淮催轉運

國用資戎事臣勞為主憂將徵任土貢更發濟川舟擁
傳星還去過池鳳不留唯高飲水一作冰節稍淺別家愁

落葉淮邊雨孤山海上秋遙知謝公興微月上

一作江在

樓

送李秀才落第遊荆楚

翠羽雖難

一作難

成夢遷鶯尚後羣名逃郢詵策興發謝玄

文昏旦扁舟去江山幾路分上潮吞海日歸雁出湖雲
詩思應須苦援聲莫厭聞離居見新月那得不思君

奉陪郭常侍宴滌川山池

掖垣攜愛客勝地賞年光向竹過賓館尋山到妓堂歌

聲掩金谷舞態出平陽地滿簪裾影花添蘭麝香鶯啼
春未老酒冷日猶長安石風流事須歸問一作騎省郎

寇中送張司馬歸洛

戎狄寇周日衣冠適洛年客亭新驛騎歸一作關路舊人

煙吾道將東矣秋風更颯然雲愁百戰地樹隔兩鄉天
旅思蓬飄陌驚魂雁怯弦今朝一尊酒莫惜醉離筵

奉和宣城張太守南亭秋夕懷友

池館蟬蛩聲梧桐秋露晴月臨朱戟靜河近畫樓明捲

慢浮涼入聞鐘永夜清片雲懸曙斗數雁過秋城羽扇

揚風暇瑤琴悵

一作寄

別情江山飛麗藻謝朓讓前名

過山人所居因寄諸遺補

空谷春雲滿愚公晦跡深一隨玄豹隱幾換綠蘿陰絕
徑人稀到芳蓀我獨尋厨煙住峭壁酒氣出重林蝴蝶
晴還舞黃鸝晚暫吟所思青瑣客瑤草寄幽心

過鳴臯隱者

礪石老紅鮮

一作鮮

徵君卧幾年飛

一作百

泉出林下一徑

過一作窮

崖巔雞犬逐人靜雲霞宜地偏終朝數峰勝不

遠一壺前仲月霽春雨香風生藥田丹溪不可別瓊草
色芊芊

送楊銷歸隱

悔作掃門事還吟招隱詩今年芳草色不失故山期遙
想白雲裏采苓春日遲溪花藏石徑巖翠帶茅茨九轉
莫飛去三迴良在茲還嗤茂陵客貧病老明時

酬劉起居卧病見寄

承顏看彩服不覺別丹墀味道能忘病過庭更學詩
繚垣多畫戟遠岫入書帷竹靜攜琴處林香讓果時
聲同叨眷早交澹在年哀更枉兼金贈難為繼組詞

陪南省諸公宴殿中李監宅

將門高勝霍相子寵過韋官貴攀龍後心傾待士時
壺觴開雅宴鴛鴦眷相隨舞退燕姬曲歌徵謝朓詩
晚鐘過竹靜醉客出花遲莫惜留餘興良辰不可追

山齋讀書寄時校書杜叟

日愛蘅茅

一作芳

下閒觀山海圖幽人自守樸窮谷也名

愚倒

一作隅

嶺和溪雨新泉到戶樞叢蘭齊穉子蟠木老

潛夫憶戴差過剡遊仙慣入壺濠梁時一訪莊叟亦吾徒

晚歸藍田舊居

雲卷東臯下歸來省故蹊泉移憐石在林長

一作近

覺原

低舊里情難盡前山賞未迷引藤看古木嘗酒邳春雞

興

一作性

與時髦背年將野老齊才微甘引退應得遂霞

樓

寄袁州李嘉祐員外

誰謂江山阻心親夢想偏容輝常在目離別任經年郡國通流水雲霞共遠天行春鶯幾囀遲客月頻圓雁有

歸

一作還

鄉羽人無訪戴船願徵黃霸入相見玉堦前

禁闈翫雪寄薛左丞

玄雲低禁苑飛雪滿神州虛白生臺榭寒光入冕旒粉凝宮壁靜乳結洞門幽細繞迴風轉輕隨落羽浮怒濤

堆砌石新月孕簾鉤為報詩人道豐年頌聖猷

春暮過石龜谷題溫處士林園

一作送溫逸人

隱几

一作垂白

無名老

一作者

何年此陸沈丘園自

一作應

得性

婚嫁不嬰

一作關

心歲計因山薄霞棲在谷深設置

一作虛

連草色曬

一作曝

藥背

一作避

松陰觸興雲生岫隨耕鳥下

林揔頤笑來客頭上有朝簪

宿畢侍御宅

交情頻更好子有古人風晤語清霜裏平生苦節同心

惟二仲合室乃一瓢空落葉寄

一作繞

秋菊

一作竹

愁雲低

夜鴻

一作叢蘭
思暗蟲

薄寒燈影外殘漏雨聲中明發南昌去

迴看御史驄

中書遇雨

濟旱惟宸慮為霖即上台雲銜七曜起雨拂九門來綸
閣飛絲度龍渠激雷迴色翻池上藻香裛鼎前杯湘燕
皆舒翼沙鱗豈曝腮尺波應萬一作為假虞海載沿洄

適楚次徐城

去家隨旅雁幾日到南荆行邁改鄉邑苦辛淹晦明畏途在淫雨未暮息趨程窮木對秋館寒鷗愁古城迷津坐為客對酒默含情感激念知己匣中孤劍鳴

經李蒙潁陽舊居

同心而早世天道亦何論獨有山陽宅平生永不諼青溪引白鳥流涕弔芳蓀蔓草入空室叢篁深毀垣舊遊還在眼神理更忘言唯見東山月人亡不去門

贈漢陽隱者

當年不出世知子餐霞人樂道復安土遺榮長隱身衡
茅古林曲杭稻清江濱桂棹為漁暇荷衣禦暑新款顏
行在一作役幽興惜今晨分首天涯去再來芳杜春

巨魚縱大壑

巨魚縱大壑遂性似乘時奮躍風生鬣騰凌浪鼓鰭龍
攄回地軸鯢化想天池方快吞舟意尤殊在藻嬉傾危
嗟幕燕隱晦謂泥龜喻士逢明主才猷得所施

送李九歸河北

文武資人望謀猷簡聖情南州初卧鼓東土復維城寄
重分符去威仍出閫行斗牛移八座日月送雙旌別戀
瞻天起仁風應物生佇聞收組練鏘玉會承明

送丁著作佐台郡

多年金馬客名遂動歸輪佐郡紫書下過門朱綬新揚
舩望海嶽入境背風塵水驛偏乘月梅園別受春帶經
臨府吏鱸鯉待鄉人始見美高士逍遙在搢紳

送王使君赴太原行營

太白明無象，皇威未戢戈。諸侯持節鉞，千里控山河。
漢驛雙旌度，胡沙七騎過。驚蓬一作烽連雁起，牧馬入雲多。
不賣盧龍塞，能消瀚海波。須傳出師頌，一作表莫奏式微歌。

送王使君移鎮淮南

共許徐方牧，能臨河內人。郡移棠轉茂，車至鹿還馴。
吏事嘉師旅，駕行惜搢紳。別心傾祖席，愁望盡征輪。
紫詔一作詔徵黃晚，蒼生借寇頻。願言青瑣拜，早及上林春。

李四勸為尉氏尉李七勉為開封尉

惟伯與仲有全譽因

美之

美政惟兄弟時人數俊賢皇枝雙玉樹吏道二梅仙自理堯唐俗唯將禮讓傳采蘭花萼聚就日雁行聯黃綬俄三載青雲未九遷廟堂為宰制幾日試龍泉

春夜宴任六昆李宅

際晚綠煙起入門芳樹深不才叨下客喜宴齒諸簪夜月仍攜妓清風更在林彩毫揮露色銀燭動花陰自接

通家好應

一作因

知待士心向隅逢故識茲夕願披襟

間居酬張起居見贈

在林非避世守拙自離羣弱羽謝風水

一作木

窮愁依典

墳良知不遐棄新詠獨相聞能使幽興苦坐忘清景曛
前山帶喬木暮鳥聯歸雲向夕野人思難忘騎省文

奉和王相公秋日戲贈元校書

才妙心仍遠名疎跡可追清秋聞禮暇新雨到山時勝
事唯愁盡幽尋不厭遲弄雲憐鶴去隔水許僧期賢相

敦高躅雕龍憶所思芙蓉洗清露願比謝公詩

過楊駙馬亭子

衣冠在漢庭

一作京

臺榭接天成彩鳳翻簫曲祥鱣入館

名歌鐘芳月曙林嶂碧雲生亂水歸潭淨高花映竹明
退朝追宴樂開閣

一作沈轄

醉簪纓長袖留嘉客棲烏下禁

城

山下別杜少府

把手意難盡前山日漸低情人那忍別宿

一作夕

鳥尚同

棲寸晷戀言笑佳期欲阻睽離雲愁出岫去水咽分溪
莊叟幾虛說楊朱空自迷傷心獨歸路秋草更萋萋

晚出青門望終南別業

能清

一作捐

謝朓思

一作府

暫下承明廬遠山新水

一作水斷山

下寒臯微雨餘更憐歸鳥去宛到卧龍居笑指叢

一作家

林上閒雲自卷舒寧心鳴鳳

一作知鳳鳴

日却意

一作憶

釣璜

初處貴有餘興伊周位不如

送嚴士良侍奉詹事南遊

疏傳獨知止曾參善愛親江山侍行邁長幼出囂一作風

塵握手想千古此心能幾人風光滿長陌一作路草色傍

征輪日夕望荆楚鶯鳴芳杜新漁一作汀煙月一作日下淺

花嶼一作島水中春點翰遙一作時相憶含情向一作寄白蘋

題祕書王廸城北池亭

子喬來魏闕明主賜衣簪從宦辭人事同塵即道心還

追大隱跡寄此鳳城陰昨夜新煙雨池臺清且深伏泉

通粉壁迸筍出花林晚沐常多暇春一作香醪時獨斟西

南漢宮月復對綠窗琴

一作吟

過王舍人宅

入門花柳暗知是近臣居大隱心何遠高風物自疎脩

然靜者事究得上皇餘雞犬偷仙藥兒童授

一作受

道書

清吟送客後微月上城初彩筆有新詠文星垂太虛承

恩金殿宿應薦馬相如

過瑞龍觀道士

不知誰氏子鍊魄家洞天鶴待成丹日人尋種杏田靈

山含道氣物性皆自然白鹿顧瑞草驪龍蟠玉泉得茲
象外趣便割區中緣石竇采雲母霞堂陪列仙主人善
止客柯爛忘歸年

送沈仲

一作冲

天樸非外假至

一作志

人常晏如心期邈霄漢詞律響瓊

琚舉酒常歎息無人達子虛夜光失隋掌驥馭伏鹽車

考室晉山下歸田秦歲初寒雲隨路合落照下城餘千

里還同術無勞怨索居

和韋侍御寓直對雨

名貫四科首班宜二妙齊如何厭白簡未得步金闥
寓直晦秋雨吟餘聞遠雞漏聲過旦冷雲色向窗低誰謂
霄漢近翻嗟心事睽蘭滋人未握霜曉鶚還棲佇見田
郎字親勞御筆題

奉和聖製登朝元閣

六合紆玄覽重軒啟上清石林飛棟出霞頂泰階平拂
曙鑾輿上睇陽瑞雪晴翠微回日馭丹巘駐天行御氣

升銀漢垂衣俯錦城山通玉苑迴河抱紫關明感物乾
文動凝神道化成周王陟喬嶽列辟讓英聲

奉和杜相公移長興宅奉呈元相公

守貴常思儉平津此意深能卑丞相宅何謝故人心種
蕙初抽帶移簞不改陰院梅朝助鼎池鳳夕歸林覺路
經中得滄洲夢裏尋道高仍濟代恩重豈投簪報國誰
知已推賢共作霖興來文雅振清韻擲雙金

送任先生任唐山丞

再命果良願幾年勤說詩上公頻握髮才子共垂帷
琢玉成良器出門偏愴離腰章佐墨綬耀錦到茅茨
樹老見家日潮平臨縣時衣催蓮女織頌聽海人詞
鴻鵠志應在荃蘭香未哀金門定回首雲路有佳期

送外甥懷素上人歸鄉侍奉

釋子吾家寶神清慧有餘能翻梵王字妙盡伯英書
遠鶴無前侶孤雲寄太虛狂來輕世界醉裏得真如
飛錫

離鄉

一作江

久寧親喜

一作是

臘初故池殘雪滿

一作在

寒柳

霽煙疎壽酒還嘗藥晨餐不薦魚遙知禪誦外健筆賦
閒居

送張中丞赴桂州

出守求人瘼推賢動聖情紫臺初下詔皐蓋始專城寵
借飛霜簡威加却月營雲衢降五馬林木

一作桂水
一作秋水引

雙旌夙仰敦詩禮嘗聞偃甲兵戍樓雲外靜訟閣竹間
清化佇還珠美心將片玉貞寇恂朝望重計日謁承明

送王相公赴范陽

翊聖銜恩重頻年按節行安危皆報國文武不緣名受
服仍調鼎為霖更洗兵幕開丞相閣旗總貳師營料敵
知無戰安邊示一作自有征代雲橫馬首燕雁拂笳聲去

鎮關河靜歸看日月明欲知瞻戀一作望切遲暮一書生

送蔣尚書居守東都

鳳輦幸秦久周人徯帝情若非君敏德誰鎮洛陽城前
席命才彥舉朝推令名綸言動北斗職事守東京鄭履
下天去遽輪滿路聲出關秋樹直對闕遠山明肅肅保

登處水流宮苑清
長安日西笑朝夕
衮衣迎

送李兵曹赴河中

能荷鐘鼎業不矜紉綺榮
侯門三事後儒服一書生
昔志學文史立身為士英
驪珠難隱耀一作曜 臯鴈會長鳴

休命且隨牒候時當振纓
寒蟬思關柳匹馬向蒲城
秋日黯將暮黃河如欲清
黎人思坐嘯知子樹佳聲

罷官後酬元校書見贈

心期悵已阻交道復何如
自我辭丹闕惟君到故廬
忘

機貧負米憶戴出無車

一作未忘金馬
詔猶負茂陵書

鄰犬吠初服家

人愁斗諸秋堂入閒夜雲月思離居窮巷聞砧冷荒枝

應

映一作

鵲疎官名隨落葉生事感枯魚臨

一作流

水仍揮

手知音未棄余

同鄔戴關中旅寓

文士皆求遇今人誰至公靈臺一寄宿楊柳再春風更

惜忘形友頻年失志同羽毛

一作衣

齊燕雀心事阻鴛鴻

留滯慚歸養飛鳴恨觸籠橘懷鄉夢裏書去客愁中殘

雪迷歸雁韶光棄斷蓬吞悲問唐舉何路出屯蒙

新豐主人

明代少知已夜光頻暗投
迺終薄命動息盡窮愁
自欲歸飛鷁當為不繫舟
雙垂素絲淚幾弊皁貂
裘暮鳥棲幽樹孤雲出
舊丘蛩悲衣褐夕雨暗
轉蓬秋客裏馮諼劍歌
中甯戚牛主人能縱酒
一醉且忘憂

夕遊覆釜山道士觀因登玄元廟

冥搜過物表洞府次溪傍
已入瀛洲遠誰言仙路長
孤

煙出深竹道侶正焚香鳴磬愛山靜步虛宜夜涼仍同
象帝廟更上紫霞岡霽月懸琪樹明星映碧堂傾思丹
竈術願采玉芝芳儻把浮丘袂乘雲別舊鄉

陪郭常侍令公東亭宴集

盛業山河列重名劒履榮珥貂為相子開閣引時英美
景池臺色佳期宴賞情詞人載筆至仙妓出花迎暗竹
朱輪轉迴塘玉佩鳴舞衫招戲蝶歌扇隔啼鶯飲德心
皆醉披雲興轉清不愁懽樂盡積慶在和羹

太子李舍人城東

一作中

別業與二三文友逃暑

下馬失炎暑重門深綠簷宮臣禮嘉客林表開蘭堂茲

夕

一作日

興難盡澄巵照墨場鮮風吹印綬密坐皆馨香

美景惜文會清吟遲羽觴

一本無上四句

東林晚來好目極

一作

極目

趣何長鳥道挂疎雨人家殘夕陽城隅擁歸騎留醉

一作酌

戀瓊

一作羣

芳

柏崖老人號無名先生男削髮女黃冠自以雲

泉獨樂命予賦詩

古也憂婚嫁君能樂性腸

一作道場

長男棲月宇少女炫

一作

袿

霓裳問爾餐霞處春山芝桂旁鶴前飛九轉壺裏駐

三光與我開龍嶠披雲靜藥堂胡麻蕪藻綠石髓隔花
香帝力言何有椿年喜漸長窅然高象外寧不傲羲皇

贈李十六

半面喜投分數年欽盛名常思夢顏色誰憶

一作意

訪柴

荆忽聽款扉響欣然倒屣迎蓬蒿駐騶馭雞犬傍簪纓
酌水即嘉宴新知甚故情僕夫視日色棲鳥催車聲自

爾宴言後至今門館清何當更乘興林下已苔生

裴僕射東亭

鳳扆任匡濟雲溪難退還致君超列辟得道在榮班朱
戟繚垣下高齋芳樹間隔花開遠水廢卷愛晴山晚沐
值清興知音同解顏藉蘭開賜酒留客下重關仙犬逐
人靜朝車映竹間則知真隱逸未必謝區寰軒后三朝
顧赤松何足攀

中書王舍人輞川舊居

轉年穀利人勝歲豐言歸漢陽路拜手蓬萊宮紫殿賜
衣出青門酣酌同晚陽過微雨秋水見新鴻坐惜去車
遠愁看離館空因思郢川守南楚滿清風

奉送戶部李郎中充晉國副節度出塞

德佐調梅用忠輸擊虜年子房推廟略漢主託兵權受
命榮中禁分麾鎮左賢風生黑山道星下紫微天始願
文經國俄看武定邊鬼方堯日遠幕府代雲連汗馬將
行矣盧龍已肅然關防驅使節花月眷離筵自忝知音

幾年家絕壑，滿徑種芳蘭。帶石買松貴，通溪漲水寬。誦
經連谷響，吹律減雲寒。誰謂桃源裏，天書問考槃。一從
解蕙帶，三入偶蟬冠。今夕復何夕，歸休尋舊歡。片雲一作
霞，隔蒼翠。春雨半林湍，藤長穿松蓋。花繁壓藥欄，景深
青眼下。興絕綵毫端，笑向同來客。登龍此地難。

送襄陽盧判官奏開河事

千里趨魏闕，一言簡聖聰。河流引關外，國用贍秦中。有
詔許其策，隨山興此功。連雲積石阻，計日安波通。飛檣

矣晚歲復何如海嶠瞻歸路江城夢直廬含毫思兩鳳
望遠寄雙魚定笑巴歌拙還參麗曲餘

和范郎中宿直中書曉翫清池贈南省同僚兩

一作垣遺補
西

青瑣留才子春池靜禁林自矜仙島勝宛在掖垣深引
派彤庭裏含虛玉砌陰漲來知聖澤清處見天心蘭氣
飄紅岸文星動碧潯鳳棲長近日虬卧欲為霖席寵雖
高位流謙乃素襟焚香春一作殘漏盡假寐曉鶯吟丹地

遇而今感義偏淚聞橫吹落心逐去旌懸帝念夔能政
時須說濟川勞還應即爾朝暮玉墀前

奉和中書常舍人晚秋集賢院即事寄徐薛二
侍御

文星垂太虛詞伯綜羣書彩筆下鴛掖褒衣來石渠典
墳探奧旨造化覩權輿述聖魯宣父通經漢仲舒窗明
宜縹帶地肅近丹除清晝刪詩暇高秋作賦初露盤侵
漢聳宮柳度鵑疎靜對連雲閣晴聞過闕車舊僚云出

宜清泚

一作切

朝陽復照臨司言兼逸趣鼓興接

一作屬

知

音六義驚

一作先

搞藻三臺響

一作嚮

擲金為憐風水外落

一作鱗

羽此漂

一作失飛

沈

御定全唐詩卷二百三十八

欽定四庫全書

御定全唐詩卷二百三十九

錢起

同程九早入中書

一作錢
珣詩

漢家賢相重英奇，蟠木何材也見知。
不意雲霄能自致，空驚鵷鷺忽相隨。
臘雪初明柏子殿，春光欲上萬年枝。
獨慙皇鑒明如日，未厭春一作螢光向玉墀。

仲春宴王補闕城東小池

一作山

王孫興至幽尋好芳草春深景氣和藥院愛隨流水入
山齋喜與白雲過猶嫌巢鶴窺人遠不厭叢花對客多
醉來倚玉無餘事目送歸鴻笑復歌

夜宿靈臺寺寄郎士元

西日橫山含碧空東方吐月滿禪宮朝瞻雙頂青冥上
夜宿諸天色界中石潭倒獻一作泐
一作暎蓮花水塔院空聞
松柏風萬里故人能尚爾知君視聽我心同

題郎士元半日吳村別業兼呈李長官

半日吳村帶晚霞
閒門高柳亂飛鴉
橫雲嶺外千重樹
流水聲中一兩家
愁人昨夜相思苦
閉月今年春意賒
自歎梅生頭似雪
却憐潘令縣如花

猷川雪後送僧粲臨還京時避世卧疾

連步青溪幾萬重
有時共立在孤峰
齋到孟空餐雪麥
一作麥雪經傳金字坐雲松
呻吟獨卧猷川水
振錫先聞長樂鐘
回望羣山攜手處
離心一一涕無從

和李員外扈

一作從

駕幸溫

一作湯

泉宮

未央月曉度疎鐘鳳

一作步

輦時巡出九重雪

一作雨

霽山

門迎瑞日雲開水殿候飛龍輕寒不入宮中樹佳氣常

薰

一作浮

仗外峰遙羨枚臯扈仙

一作先

蹕偏承霄漢渥恩

濃

長信怨

長信螢來一葉秋蛾眉淚盡九重幽鵲鵲觀前明月度

芙蓉闕下絳河流鴛鴦久別難為夢鳳管遙聞更起愁

誰分

一作念

昭陽夜歌舞君王玉輦正淹留

送河南陸少府

雲間陸生美且奇，銀章朱綬映金羈。
自料抱材將致遠，寧嗟趨府暫牽卑。
東城社日催巢燕，上苑秋聲散御梨。
朝夕詔書還柏署，行看飛隼集高枝。

送李評事赴潭州使幕

湖南遠去有餘情，蘋葉初齊白芷生。
謾說簡書催物役，遙知心賞緩王程。
興過山寺先雲到，嘯引江帆帶月行。
幕下由來貴無事，佇聞談笑靜黎甞。

送李九貶南陽

玉柱金罍醉不歡，雲山驛道向東看。
鴻聲斷續暮天遠，柳影蕭疎秋日寒。
霜降幽林雷蕙若，弦驚翰苑失鴛鴦。
秋來回首君門阻，馬上應歌行路難。

送裴頔

一作地

侍御使蜀

柱史纔年四十強，鬚髯玄髮美清揚。
朝天繡服乘恩貴，出使星輶滿路光。
錦水繁花添麗藻，峨眉明月引飛觴。
多才自有雲霄望，計日應追駕鶴行。

送韋信愛子歸覲

離舟解纜到斜暉
春水東流燕北

一作北雁

飛才子學詩趨

露冕棠花含笑待
斑衣稍聞江樹啼
猿近轉覺山林過
客稀借問還珠盈
合浦何如鯉也入
庭闈

送興平王少府遊梁

舊識相逢情更親
攀歡甚少愴離頻
黃綬罷來多遠客
青山何處不愁人
日斜官樹聞蟬滿

一作晚

雨過關城見

月新梁國遺風重
詞賦諸侯應念馬
卿貧

送張員外出牧岳州

鳳凰銜詔與何人善政多才寵寇恂臺上鴛鴦爭送遠
岳陽雲樹待行春自憐黃閣知音在不厭彤幃出守頻
應笑馮唐哀且拙世情相見白頭新

送孫十尉溫縣

飛花落絮滿河橋千里傷心送客遙不惜芸香染黃綬
惟憐鴻羽下青霄雲衢有志終驤首吏道無媒且折腰
急管繁弦催一醉頽陽不駐引征鑣

送鍾評事應宏詞下第東歸

芳歲歸人嗟轉蓬
含情回首灞陵東
蛾眉不入秦臺鏡
鵲羽還驚宋國風
世事悠揚春夢裏
年光寂寞旅愁中
勸君稍盡離筵酒
千里佳期難再同

送嚴維尉河南

蕙葉青青花亂開
少年趨府下蓬萊
甘泉未獻一作揚

雄賦吏道何勞賈
誼才征陌獨愁飛
蓋遠離筵只惜暝
鐘催欲知別後相
思處願植瓊枝向
柏臺

送馬員外拜官覲省

二十為郎事漢文，鴛鴦驥子自為羣。
筆精已許臺中妙，劔術還令世上聞。
歸覲屢經槐里月，出師常笑棘門軍。
莫言來往朝天遠，看取鳴鞘入斷雲。

送冷朝陽擢第後歸金陵覲省

萊子書歸今始好，潘園景色夏偏濃。
夕陽流水吟詩去，明月青山出竹逢。
兄弟相歡初讓果，鄉人爭賀舊登龍。
佳期少別俄千里，雲樹愁看過一作歷幾重。

九日宴浙江西亭

詩人九日憐芳菊
筵客高齋宴浙江
漁浦浪花搖素壁
西陵樹色入秋窗
木奴向熟懸金實
桑落新開瀉玉缸
四子醉時爭講習
笑論黃霸舊為邦

和王員外雪晴早朝

紫微晴雪帶恩光
繞仗偏隨鴛鷺行
長信月留寧避曉
宜春花滿不飛香
獨看積素凝清禁
已覺輕寒讓太陽
題柱盛名兼絕唱
風流誰繼漢田郎

避暑納涼

木槿花開畏日長
時搖輕扇倚繩牀
初晴草蔓緣新筍
頻雨苔衣染舊牆
十旬河朔應虛醉
八柱天台好納涼
無事始然知靜勝
深垂紗帳詠滄浪

早夏

楚狂身世恨情多
似病如憂正是魔
花萼敗春多寂寞
葉陰迎夏已清和
鵬黃好鳥搖深一作紅樹
細白佳人著紫羅
軍旅閱詩裁不得
可憐風景遣如何

題嵩陽焦道士石壁

三峰花畔

一作半

碧堂懸錦里真人此得仙玉體

一作醴纔

飛西蜀雨霓裳欲向大羅天彩雲不散燒丹竈白鹿時
藏種玉田幸入桃源因

一作應

去世方期丹訣一延年

題延州聖僧穴

定力無涯不可稱未知何代坐禪僧默默山門宵閉月
熒熒石壁晝然燈四時樹長書經葉萬歲巖懸拄杖藤
昔日捨身緣救鵠今時出見有飛鷹

樂遊原晴望上

一作寄

中書李侍郎

興氣朝來

一作分

萬里清憑高一望九秋

一作愁

輕不知鳳

沼

一作傳說

霖初霽但覺

一作見

堯天日轉明四野山河通

一作作

同

遠色千家砧杵共秋聲遙想

一作指

青雲丞相府何時

開閣引

一作對

書生

幽居春暮書懷

一作作

石門暮春
一作藍田春暮

自哂鄙夫多野性貧

一作間

居數畝半臨湍

一作村端

谿雲雜

雨來茅屋山崔

一作鳥

將雛到

一作至

藥欄仙籙滿牀閒不

厭陰符在篋老羞看更憐童子宜春服花裏尋師指

一作

到
杏壇

謁許由廟

故向箕山訪許由林泉物外自清幽松上挂瓢枝幾變
石間洗耳水空流綠苔唯見遮三徑青史空傳謝九州
緬想古人增歎惜颺然雲樹滿巖秋

過張成侍御宅

丞相幕中題

一作吐

鳳人文章心事每相親從軍誰謂仲

宣樂入室方知顏子貧
杯裏紫茶香代酒
琴中綠水靜
留賓欲知別後相思意
唯願瓊枝入夢頻

酬考功楊員外見贈佳句

黃卷讀來今已老
白頭受屈不曾言

上林諫獵知才薄
尺組承恩愧命牽
潢潦難滋滄海潤
螢光空盡太陽前
虛名濫接登龍士
野性寧忘種黍田
相國無私人守樸
何辭老去上皇年

寄永嘉王十二

永嘉風景入新年
才子詩成定可憐
夢裏還鄉不相見

天涯憶戴復誰傳
花傾曉露垂如淚
鶯拂遊絲斷若弦
願得回風吹海雁
飛書一宿到君邊

七盤嶺阻寇聞李端公先到南楚

日暮窮途淚滿襟
雲天南望羨飛禽
一作腸暗與孤

鴻一作魂

斷江水遙連
別恨深
明月既能通
憶夢青山何

用隔同心
秦楚眼看成
絕國
相思一寄白頭吟

酬趙給事相尋不遇留贈

誰憶一作意

顏生窮巷裏
能勞馬跡破春苔
忽看童子掃

花處始愧夕郎題鳳來
斜景適隨詩興盡
好風纔送珮聲回
豈無雞黍期他日
惜此殘春阻綠杯

山中酬楊補闕見過

日暖風恬種藥時
紅泉翠壁薜蘿垂
幽溪鹿過苔還靜
深樹雲來鳥不一作未知
青瑣同心多逸興
春山載酒遠

相隨却慙

一作思

身外

一作事

牽纓冕未

一作寧

勝杯

一作林

前

倒接羅

同王鎬起居程浩郎中韓翃舍人題安國寺用

上人院

慧眼沙門真遠公
經行宴坐有儒風
香緣不絕簪裾會
禪想寧妨藻思通
曙後鑪煙生不滅
晴來堦色並歸空
狂夫入室無餘事
唯與天花一笑同

尋司勳李郎中不遇

知己知音同舍郎
如何咫尺阻清揚
每恨蒹葭傍

一作倚

芳樹多慚新燕入
華堂重花不隔陳
蕃榻脩竹能深夫
子牆
唯有早朝趨鳳閣
朝時憐羽接鴛行

贈張南史

紫泥何日到滄洲笑向東陽沈隱侯黛色晴

一作山

峰雲

外出穀文江水縣前流使臣自欲論公道才子非關厭

薄遊溪畔秋蘭雖可佩知君不得少停舟

穀江蘭溪之別名也

暇日覽舊詩因以題咏

逍遙心地得關關偶被功名浣

一作浣

我閒有壽亦將歸

象外無詩兼不戀人間何窮默識輕洪範未喪斯文勝

大還筐篋靜開難似此蕊珠春色

一作雪

海中山

漢武出獵

漢家無事樂時雍
羽獵年年出九重
玉帛不朝金闕路
旌旗長繞綵霞峰
且貪原獸輕黃屋
寧畏漁人犯白龍
薄暮方歸長樂觀
垂楊幾處綠煙濃

宴曹王宅

賢王駟馬退朝初
小苑三春帶雨餘
林沼蔥蘢多貴氣
樓臺隱映接天居
仙雞引敵穿紅藥
宮燕銜泥落綺疏
自歎平生相識願
何如今日廁應徐

重贈趙給事

久飛鴛掖出時髦，耻負平生稽古勞。
玉樹滿庭家轉貴，雲衢獨步位初高。
能迂騶馭尋蝸舍，不惜瑤華報木桃。
應念潜郎守貧病，常悲休沐對蓬蒿。

贈闕下

一作闕下贈

裴舍人

二月黃鸞

一作鸞

飛上林春城紫禁

一作陌

曉陰陰

一作沈沈一本

二句倒用

長樂鐘聲花外盡，龍池柳色雨中深。
陽和不散窮途恨，霄漢長懷

長懷

一作戀

捧日心。獻賦十年猶未遇，羞將白

髮對華簪

登劉賓客高齋

時公初退相 一作
春題劉相公山齋

能以功成疎寵位不將心賞負雲霞林間客散孫弘閣

城

一作
壇

上山宜綺季家蝴蝶晴連

一作
憐

池岸草黃鸝晚

一作
曉

出柳園花

一作山蝶成羣爭遠
蕙黃鸝命子暗移花

日陪鯉也趨文苑

誰道門生隔絳紗

哭辛霽

流水辭山花別枝隨風一去絕還期昨夜故人泉下宿

今朝白髮鏡中垂
音徽寂寂空成夢
容範朝朝無見時
旦暮餘生幾息在
不應存沒未嘗悲

和慕容法曹尋漁者寄城中故人

孤煙一點綠溪湄
漁父幽居即舊基
飢鷺不驚收釣處
閒麈應乳負暄時
茅齋對雪開尊好
穉子焚枯飯客遲
勝事宛然懷抱裏
頃來新得謝公詩

山花

山花照塢復燒溪
樹樹枝枝盡可迷
野客未來枝畔立

流鶯已向樹邊啼從容只是愁風起春戀常須向

一作到

日西別有妖妍勝桃李攀來折去亦成蹊

送楊著作歸東海

楊柳出關色東行千里期酒酣輕別路遠始相思欲

識離心盡斜陽

一作光

到海時

一本無末二句

送李協律還東京

芳草忽無色王孫復入關長河侵驛道匹馬傍雲山愁
見離居久螢飛秋月閒

秋館言懷

蟋蟀已秋思蕙蘭仍碧滋
蹉跎獻賦客歎息此良時
日夕雲臺下商歌空自悲

和劉明府宴縣前山亭

城隅勞心處雪後歲芳開
山暎千花出泉經萬井來
翔鸞欲下舞上客且留杯

新雨喜得王卿書問

苦雨暗秋徑寒花垂紫苔
愁中綠尊盡夢裏故人來
果

有相思字銀鈎新月開

賦得巢燕送客

能棲杏梁際不與黃雀羣夜影寄紅燭朝飛高碧雲含

情別故侶花月

一作宛似

惜春分

題張藍田訟堂

角巾高枕向晴山訟簡庭空不用關秋風窗下琴書靜

夜

一作落

景門前人吏閒稍覺淵明歸思遠東臯月出片

雲還

江行無題一百首

一作錢
珣詩

傾酒向漣漪乘流東

一作欲

去時寸心同尺璧投此報馮夷

江曲全縈楚雲飛

一作氛

半自秦峴山回首望如別故關

鄉人

一作往年累
登峴亭

浦煙涵夜色

一作寒
永夜

冷日轉秋旻自有沈碑石

一作清
在

光不照人

楚岸雲空

一作初

合楚城人不來只

一作祇

今誰善舞莫恨

發陽

一作廢章臺

行背青山郭吟當白露秋風流無屈宋空詠古荊州

晚來漁父喜罾

一作網

重欲收遲恐有長江使金錢願贖

龜

去指龍沙路徒懸象闕

一作魏

心夜涼無遠夢不為偶聞

砧

霖雲疎有葉雨浪細無花穩放扁舟去江天自有涯

好日當

一作長

秋半層波動旅腸已行千里外誰與共秋

光

潤色非東里官曹更建章官遊難自定來喚權船郎

夜江清未曉徒惜月光

一作先

沈不是因行樂堪傷老大

心

翳日多喬木維舟取束薪靜聽江叟語俱一作盡是厭兵

人

箭漏日初短汀煙草未

一作木

哀雨餘

一作微

雖更綠不是

采蘋時

山雨

一作水

夜來漲喜魚跳滿江岸沙平欲盡垂蓼入船

窗

渚邊新雁下舟上獨淒涼俱是南來客憐君綴一行

牽路沿

一作緣

江狹沙崩岸不平盡知行處險誰肯載時

輕

雲密連江暗風斜著物鳴一杯真戰將笑爾作愁兵

柳拂斜開

一作陽

路籬邊數戶村可能還有意不掩向江

門

不識桓公

一作相如

渴徒吟子美詩江清唯獨看心外更誰

知

憔悴異靈均非讒作逐臣如逢漁父問未是獨醒人

水涵秋色靜雲帶夕陽高詩癖非吾病何妨吮短毫

登

一作帶

舟非

一作維

古岸還似阻西陵箕伯無多少回頭

詎不能

帆翅初張處雲鵬怒翼同莫愁千里路自有到來風

秋

一作愁

雲久無雨江燕社猶飛却笑舟中客今年未得

歸

佳節雖逢菊浮生

一作雲

正似是

一作

萍故山何處望荒岸

小長亭

行到楚江岸蒼茫人正迷祇知秦塞遠格磔鷓鴣啼

月下江流靜村荒人語稀鷺鷥雖有伴仍

一作乃

共影雙

飛

斗轉月未落舟行夜已深有村知不遠風便數聲砧

槌驚沙鳥迅飛濺夕陽波不顧魚多處應防一目羅

漸覺江天遠難逢故國書可能無往事空食鼎中魚

岸草連荒色村聲樂稔年晚晴初一作貪穫稻閒却采蓮

菱一作船

灘淺爭

一作多

遊鷺江清易見魚怪來吟未足秋物欠紅

蕖

蛩響依莎

一作沙

草螢飛透水煙夜涼誰詠史空泊運租

船

睡穩葉舟輕風微浪不驚任君

一作人

居蘆葦岸終夜動秋

聲

自念

一作守

平生意曾期一郡符豈

一作可

知因謫宦斑鬢

入江湖

煙渚復煙渚畫屏休

一作還

畫屏引愁天末去數點暮山

青

水天涼夜月不是惜

一作少

清光好物

一作景

隨人祕

一作物

秦淮憶建康

古來多思客搖落恨江潭今日秋風至蕭疎獨

一作過

洒

南

映竹疑村好穿蘆覺渚幽漸安無曠土薑芋當農收

秋風動客心寂寂不成吟飛上危檣立啼鳥

一作鶯

報好

一作鳥
不知音

見底高秋水開懷萬里天旅吟還有伴沙柳數枝蟬

九日自佳節扁舟無一杯曹園舊尊酒戲馬憶高臺

兵火有餘燼貧村纔數家無人爭曉閒殘月下寒沙

渚禽菱芡足不向稻梁爭靜宿涼灣月應無失侶聲

輕雲未護

一作撲

霜樹杪橘初黃信是知名物微風過水

香

渺渺望天涯清漣浸赤霞難逢星漢使烏鵲日

一作乘自

槎

土曠深耕少江平遠釣多生平皆棄本金革竟如何

海月非常物等閒不可尋披沙應有地淺處定無金

風晚冷颼颼蘆花已白頭舊來紅葉寺堪憶玉京秋

風好來無陣雲閒去有蹤釣歌無遠近應喜罷艤艫

吳疆連楚甸楚俗異吳鄉漫把尊中物無人啄蟹筐

一作

黃

岸綠野煙遠江紅斜照微撐開小漁艇應到月明歸

雨餘江始漲漾漾見流薪曾歎河

一作溝

中木斯言憶古

人

葉

一作桑

舟維夏口煙野獨行時不見頭陀寺空懷幼婦

碑

晚泊武昌岸津亭疎柳風數株曾手植好事憶陶公

墜露曉猶濃

一作霞墜日猶紅

秋花

一作清風

不易逢涉江雖已晚

高樹寒

一作攀

芙蓉

舟航依浦定星斗滿江寒若比陰靈日何妨夜未闌

近戌離金落孤岑望火門唯將知命意瀟灑向乾坤

叢菊生堤上此花長後時有人還採掇何必在一作及春

期

夕景殘霞落秋寒細雨晴短纓何用濯舟在月中行

堤

一作垠

壞漏

一作滿

江水地坳成野塘晚荷人不折留取

此

一作

作秋香

左

一作失

官終何路攄懷亦自寬
襍牋嘲白鷺無意喻臬

鸞

樓空人不歸雲似去時
衣黃鶴無心下長應笑令威

白帝朝驚浪潯陽

一作陽臺

暮暎雲等閒生險易世路祇如

君

櫓慢開

一作生

輕浪帆虛帶白雲客船雖狹小容得庾

一作

瘦將軍

風雨正甘

一作酣

寢雲霓忽晚晴放歌雖

一作須

自遣一歲

又崢嶸

靜看秋江水風微浪漸平人間馳競處塵土自波成

風勁

一作借

帆方疾風回櫂却遲較量人世事不校一毫

釐

咫尺愁風雨匡廬不可登祇疑雲

一作香

霧窟猶有六朝

僧

幽思正遲遲沙邊濯弄時自憐非博物猶未識鳬葵
曾有煙波客能歌西塞山落帆唯待月一釣紫菱灣

千頃水紋細一拳嵐影孤君山寒樹綠曾過洞庭湖
光濶重湖水低斜遠雁行未曾無興詠多謝沈東陽
晚菊繞江壘忽如開古屏莫言時節過白日有餘馨
秋寒鷹隼健逐雀下雲空知是江湖濶無心擊塞鴻

日落長亭晚山門步障青可憐

一作能

無酒分處處

一作更祝

有旗亭

一作星

江草何多思冬青尚滿洲誰能驚鵬鳥作賦為沙鷗

遠岸無行樹經霜有半紅停船搜

一作披

好句題葉贈江

楓

身世比行舟無風亦暫休
敢言終破浪唯願穩乘流

數畝蒼苔石煙濛鶴卵洲
定因詞客遇一作過名字始風

流

興閒停桂楫路好過松門
不負佳山水還開酒一尊

幽懷念煙水長恨隔龍沙
今日滕王閣分明見落霞

短楫休敲桂孤根自駐萍
自憐非劍氣空向斗牛星

江流何渺渺懷古獨依依
漁父非賢者蘆中但有磯

高浪如銀屋江風一發時筆端降太白才大語終奇

細竹漁家路晴陽看結繒

一作畱

喜來邀客坐分與折腰

菱

幸有煙波興寧辭筆硯勞緣情無怨刺

一作刺怨

却似反離

騷

平湖五百里江水想通波不柰扁舟去其如決計何

數峰雲斷處去岸暎高

一作西

山身到韋

一作章

江日猶應

一作應猶

未得閒

一灣斜照水三版順風船未敢相邀約勞生祇自憐

江雨正霏微江村晚度稀何曾妨釣艇更待得魚歸

沙上獨行時高吟

一作吟情

到楚詞

一作祠

難將垂岸蓼盈

一作

應把當江蘼

新野舊樓名潯陽勝賞情照人長一色江月共淒清

願飲西江水那吟北渚愁莫教留滯跡遠比蔡昭侯

湖口分江水東流獨有情當時好風物誰伴謝

一作為伴

宣

城

潯陽江畔菊應似古來秋為問幽棲客吟時得酒不

高峰有佳號千尺倚寒松

一作風

若使鑪煙在猶應為上

公

萬木已清霜江邊村事忙故溪黃稻熟一夜夢

一作甕中

香

楚水苦縈迴征帆落又開可緣非直路却有好風來

遠謫歲時晏暮江風雨寒仍愁繫舟處驚夢近長灘

言懷

夜月霽未

一作來

好雲泉堪夢歸如何建章漏催著早朝

衣

和張僕射塞下曲

一作盧
綸詩

月黑雁飛高單于夜遁逃欲將輕騎逐大雪滿弓刀

送李明府去官

謗言三至後直道歎何如今日藍溪水無人不

一作助
又作勗

夜魚

一作
漁

赴章陵訓李卿贈別

一官叨下秩九棘謝知音芳草文園路春愁滿別心

逢俠者

燕趙悲歌士相逢劇孟家寸心言不盡前路日將斜

郎員外見尋不遇

軒騎來相訪漁樵悔晚歸更憐垂一作乘露跡花裏點牆

衣

過李侍御宅

一作過故
呂侍御宅

不見承明客愁聞長樂鐘

一作翰墨成千古恩榮謝九重

馬卿何早世

漢主欲登封

宿洞口館

一作驛

野竹通溪冷秋泉

一作蟬一作泉聲又作蟬聲

入戶鳴亂

一作往

來人

不到芳

一作寒

草上堦生

九日寄姪簪箕等

采菊偏相憶傳香寄便風今朝竹林下莫使桂尊空

梨花

豔靜如籠月香寒未逐風桃花徒照地終被笑妖紅

題崔逸人山亭

藥徑深紅蘚山窗滿翠微
羨君花下酒

一作醉

蝴蝶夢中

飛

藍田溪雜詠二十二首

登臺

一作望山臺

望山登春臺目盡趣難極
晚景下平阡花際霞峰色

板橋

靜宜樵隱度遠與車馬隔
有時行藥來喜遇歸山客

石井

片霞照仙井泉底桃花紅那知幽石下不與武陵通

古藤

引蔓出雲樹垂綸覆巢鶴幽人對酒時苔上閒花落

晚歸鷺

池上靜難厭雲間欲去晚忽背夕陽飛垂興一作剌與清風

遠

洞仙謠

一作伺
山徑

幾轉到青山數重度流水秦人入雲去知向桃源裏

藥圃

春畦生百藥花葉香初霽好客似風光

一作日與光風

偏來入

叢蕙

石上苔

淨

一作靜

與溪色連幽宜松雨

一作露

滴誰知古石上不染

世人跡

窗裏山

遠岫見如近千里

一作重

一窗裏坐來石上雲乍謂壺中

起

竹間路

暗歸草堂靜半入花園

一作源

去有時載酒來不與清風

遇

竹嶼

幽鳥清漣上興來看不足新篁壓水低昨夜鴛鴦宿

砌下泉

穿雲來自遠，激砌流偏駛。能資庭戶幽，更引海禽至。

戲鷗

乍依菱蔓聚，盡向蘆花滅。更喜好風來，數片翻晴雪。

遠山鐘

風送出山鐘，雲霞度水淺。欲知一作尋聲盡處，鳥滅寥天。

遠

東陂

一作憶
皇子陂

永日興難忘，撥芳春陂曲。新晴花枝下，愛此苔水綠。

池上亭

臨池構杏梁待客歸煙塘水上褰簾好蓮開杜若香

銜魚翠鳥

有意蓮葉間瞥然下高樹擘波得潛魚一點翠光去

石蓮花

幽石生芙蓉百花慚美色遠笑越溪女聞芳不可識

潺湲

一作溪聲

亂石跳素波寒聲聞

一作來

幾處颼颼暝風引散出空林

去

松下雪

雖因朔風至不向瑤臺側唯助苦寒松偏明後彫色

田鶴

田鶴望碧霄無風亦自舉單飛後片雲早晚及前侶

題南陂

家住鳳城南門臨古陂曲時憐上林雁半入池塘宿

傷秋

歲去人頭白秋來樹葉黃搔頭向黃葉與爾共悲傷

送崔山人歸山

東山殘雨挂斜暉野客巢由指翠微別酒稍酣乘興去
知君不羨白雲歸

題禮上人壁畫山水

連山畫出映禪扉粉壁香筵

一作煙

滿翠微坐來鑪氣縈

空散

一作徹

共指晴雲向嶺歸

送歐陽子還江華郡

江華勝事接湘濱千里湖山入興新才子思歸催去櫂

汀

一作江

花且為駐殘春

暮春歸故山草堂

一作劉長卿詩題云晚春歸山居題窗前竹

谷口春殘

一作殘春

黃鳥稀辛夷花盡杏花飛始憐幽竹山

窗下不改清陰待我歸

訪李

一本有少字

卿不遇

畫戟朱樓暎晚霞高梧寒柳度飛鴉門前不見歸軒至

城上愁看落日斜

與趙莒茶讌

竹下忘言對紫茶全勝羽客醉

一作對

流霞塵心洗盡興

難盡一樹蟬聲片影斜

故王維右丞堂前芍藥花開悽然感懷

芍藥花開出舊欄春衫掩淚再來看
主人不在花長在更勝青松守歲寒

送張參及第還家

大

一作太

學三年聞琢玉東堂一舉早成名
借問還家何

處好玉

一作中

人含笑下機迎

夜泊鸚鵡洲

月照溪邊一罨蓬
夜聞

一作聞

清唱有微風
小樓深巷敲

方響水國人家在處同

歸雁

瀟湘何事等閒回
水碧沙明兩岸苔
二十五弦彈夜月
不勝清怨却飛來

春郊

水遠

一作透

冰渠漸有聲氣融煙塢晚來明東風好作陽

和使逢草逢花報發生

晚歸嚴明府題門

降士林霑蕙草寒弦

一作空

驚翰苑失駕鸞秋中回首君

門阻馬上應歌行路難

秋夜送趙冽歸襄陽

斗酒忘言良夜深紅萱露滴鵲

一作滴露鶴

驚林欲知別後

思今夕漢水東流

一作遊

是寸心

送符別駕還郡

一作還錢塘

驥足駸駸吳越關

一作間

屏星復與紫書還已知從事元

無事城上愁看海上山

同王員外隴城絕句

三軍版築脫金刀
黎庶翻慚將士勞
不憶

一作意

新城連

嶂

一作障

起唯驚畫角入雲高

過故洛城

故城門外

一作前

春日斜
故城門裏無人家
市朝欲認不

知處漠漠野田空草花

校獵曲

長楊殺氣連雲飛漢主秋畋正掩圍重門日晏紅塵出

數騎胡

一作畋

人獵獸歸

晚過橫灞寄張藍田

亂水東流落照時黃花滿徑客行

一作來

遲林端忽見南

山色馬上還吟陶令詩

九日田舍

今日陶

一作山
一作吾

家野興偏東籬黃菊暎

一作滿

秋田浮雲

暝鳥飛將盡

一作稍
飛去

始達青山

一作愛
平林

新月前

長安落第

花繁柳暗九門深對飲悲歌淚滿襟數日鶯花皆落羽

一回春至一傷心

御定全唐詩卷二百三十九

欽定四庫全書

集部

御定全唐詩卷二百四十二

詳校官庶吉士臣胡鈺

主事銜臣徐以坤覆勘

總校官知縣臣繆

琪

校對官中書臣高

中

騰錄監生臣劉

坤

欽定四庫全書

御定金唐詩卷二百四十

元結

元結字次山河南人少不羈十七乃折節向學擢上第
復舉制科國子司業蘇源明薦之結上時議三篇擢右
金吾兵曹參軍攝監察御史為山南西道節度參謀以
討賊功遷監察御史裏行代宗立授著作郎久之拜道
州刺史為民營舍給田免徭役流亡歸者萬餘進容管

經略使罷還京師卒年五十贈禮部侍郎集十卷今編
詩二卷

二風詩

并序

天寶丁亥中元予以文辭待制闕下著皇謨三篇
二風詩十篇將欲求干司匭氏以裨天監會有司
奏待制者悉去之於是歸於州里後三歲以多病
習靜於商餘山病間遂題括存之此亦古之賤士
不忘盡臣之分耳其義有論訂之

治風詩五篇

至仁

古有仁帝能全仁明以封天下故為至仁之詩
二章四韻十二句

猗皇至聖兮至惠至仁德施蘊蘊蘊蘊如何不全不缺
莫知所貺

猗皇至聖兮至儉至明化流瀛瀛瀛瀛如何不號不艷

一作莫知其極

至慈

古有慈帝能保靜順以涵萬物故為至慈之詩

二章四韻十四句

至化之深兮猗猗娛娛嬉同如煦如吹如負如持而不知

其慈故莫周莫止靜和而止

至化之極兮瀛瀛溶溶如涵

一本無如涵二字

如封如隨如從

而不知其功故莫由莫已順時而理

至勞

古有勞王能執勞儉以大功業故為至勞之詩

三章六韻二十四句

至哉勤績不盈不延誰能頌之我請頌焉於戲勞王勤
亦何極濟爾九土山川溝洫

至哉儉德不豐不敷誰能頌之我請頌夫於戲勞王儉
亦何深戒爾萬代奢侈荒淫

至哉茂功不升不圯誰能頌之我請頌矣於戲勞王功
亦何大去爾兆庶洪湮災害

至正

古有正王能正慎恭和以安上下故為至正之

詩一章四韻八句

為君之道何以為明功不濫賞罪不濫刑謹言則聽諂
言不聽王至是然可為明焉

至理

古有理王能守清一以致無刑故為至理之詩

一章三韻十二句

理何為兮系修文德加之清一莫不順則意彼刑法設
以化人致使無之而化益純所謂代刑以道去殺嗚呼
嗚呼人不斯察

亂風詩五篇

至荒

古有荒王忘戒慎道以逸豫失國故為至荒之
詩一章三韻十二句

國有世謨仁信勤歟王實憺荒終亡此乎焉有力恣諂

惑而不亡其國嗚呼亡王忍為此心敢正亡王永為世
箴

至亂

古有亂王肆極凶虐亂亡乃已故為至亂之詩

二章二韻十二句

嘻乎王家曾有凶王中世失國豈非驕荒復復之難令
則可忘

嘻乎亂王王心何思暴淫虐惑無思不為生人冤怨言

何極之

至虐

古有虐王昏毒狂忍無惡不及故為至虐之詩

二章四韻十八句

夫為君上兮慈順明恕可以化人忍行昏恣獨樂其身
一徇所欲萬方悲哀於斯而喜當云何哉

夫為君上兮兢慎儉約可以保身忍行荒惑虐暴於人
前世失國如王者多於斯不寤當如之何

至惑

古有惑王用姦臣以虐外寵妖女以亂內內外
用亂至於崩亡故為至惑之詩二章六韻二十

句

賢聖為上兮必儉約戒身鑒察化人所以保福也如何
不思荒恣是為上下隔塞人神怨音戾音教惡無厭不畏

顛墜

聖賢為上兮必用賢正黜姦佞之臣所以長久也如何

反是以為亂矣寵邪信惑近佞好諛廢嫡立庶忍為禍
謨

至傷

古有傷王以崩盪之餘無惡不為也亂亡之由
固在累積故為至傷之詩一章二韻十二句

夫何傷兮傷王乎欲何為乎將蠹枯矣無人救乎蠹枯
及矣不可救乎嗟傷王自為人君變為人奴為人君者

忘戒

一本有此字

乎

補樂歌十首

并序

自伏羲

一作義軒

氏至于殷室凡十代樂歌有其名無

其辭考之傳記而義或存焉嗚呼樂聲自太古始
百世之後盡亡古音嗚呼樂歌自太古始百世之
後遂亡古辭今國家追復純古列祠往帝歲時薦
享則必作樂而無雲門咸池韶夏之聲故探其名
義以補之誠不足全化金石反正宮羽而或存之
猶乙乙冥冥有純古之聲豈幾乎司樂君子道和

焉爾凡十篇十有九章各引其義以序之命曰補
樂歌

網罟

網罟伏羲氏之樂歌也其義蓋稱伏羲能易人
取禽獸之勞凡二章章四句

吾人苦兮水深深網罟設兮水不深

吾人苦兮山幽幽網罟設兮山不幽

豐年

豐年神農氏之樂歌也其義蓋稱神農教人種

植之功凡二章章四句

猗太帝兮其智如神兮草實兮濟我生人

猗太帝兮其功如天均四時兮成我豐年

雲門

雲門軒轅氏之樂歌也其義蓋言雲之出潤益

萬物如帝之德無所不施凡二章章四句

玄雲溶溶

一作
漠漠

兮垂雨濛濛類我聖澤兮涵濡不窮

玄雲漠漠兮含暎逾光類我聖德兮溥一作被無方

九淵

九淵少昊氏之樂歌也其義蓋稱少昊之德淵

然深遠凡一章章四句

聖德至深兮齋齋

紆倫切一作蘊蘊

如淵生類嫉嫉同分孰知

其然

五莖

五莖顓頊氏之樂歌也其義蓋稱顓頊得五德

之根莖凡一章章八句

植植萬物兮滔滔根莖五德涵柔兮淠淠音風又而生

其生如何兮秬音由天下皆自我君兮化成

六英

六英高辛氏之樂歌也其義蓋稱帝嚳能總六

合之英華凡二章章六句

我有金石兮擊考一作拊崇崇一作淙淙與汝歌舞兮上帝之

風由六合兮英華淠淠

我有絲竹兮韻和泠泠與汝歌舞兮上帝之聲由六合

兮根底

一作

羸羸

咸池

咸池陶唐氏之樂歌也其義蓋稱堯德至大無

不備全凡二章章四句

元化油油兮孰知其然至德汨汨兮順之以先

元化泥泥

音尾

兮孰知其然至道泱泱兮由之以全

大韶

大韶有虞氏之樂歌也其義蓋稱舜能紹先聖
之德凡二章章四句

森森羣象今日見生成欲聞朕初兮玄封冥冥

洋洋至化兮日見深柔欲聞大一作涵濶兮大淵油油

大夏

大夏有夏氏之樂歌也其義蓋稱禹治水其功
能大中國凡三章章四句

茫茫下土兮乃生九州山有長岑兮川有深流

茫茫下土兮乃均四方國有安人

一作民人

兮

一作國安人

野有

封疆

茫茫下土兮乃歌萬年上有茂功兮下戴仁天

大獲

大獲有殷氏之樂歌也其義蓋稱湯救天下獲

然得所凡二章章四句

萬姓苦兮怨且哭不有聖人兮誰護

一作護

育

聖人生兮天下和萬姓熙熙兮舞且歌

系樂府十二首

并序

天寶辛未中元子將前世嘗可稱歎者為詩十二篇為引其義以名之總命曰系樂府古人詠歌不盡其情聲者化金石以盡之其歡怨甚邪戲盡歡怨之聲者可以上感於上下化於下故元子系之

思太古

東南三千里沅湘為太湖湖上山谷深有人多似愚嬰孩寄樹顛就水捕鷓於都切鱸所歡同鳥獸身意復何拘

吾行遍九州此風皆已無吁嗟聖賢教不覺久躊躇

隴上歎

援車登隴坂窮高遂停駕延望戎狄鄉巡迴復悲咤滋
移有情教草木猶可化聖賢禮讓風何不遍西夏父子
忍猜害君臣敢欺詐所適今若斯悠悠欲安舍

頌東夷

嘗聞古天子朝會張新樂金石無全聲宮商亂清濁東

一作來

驚且悲歎節變何煩數始知中國人耽此亡純朴

爾為外方客何為獨能覺其音若或在蹈海吾將學

賤士吟

南風發天和和氣天下流能使萬物榮不能變羈愁為
愁亦何爾自請說此由諠競實多路苟邪皆共求嘗聞
古君子指以為深羞正方終莫可江海有滄洲

歎乃曲

誰能聽歎乃歎乃感人情不恨湘波深不怨湘水清所
嗟豈敢道空羨江月明昔聞扣斷舟引釣歌此聲始歌

悲風起歌竟愁雲生遺曲今何在逸為漁父行

貧婦詞

誰知苦貧夫家有愁怨妻請君聽其詞能不為酸悽

一作

嘶所憐抱中兒不如山下麋

一作麋

空念庭前地化為人

吏蹊出門望山澤回頭

一作顧

心復迷何時見府主長踈

向之啼

去鄉悲

躊躇古塞關悲歌為誰長日行見孤老羸弱相提將聞

其呼怨聲聞聲問其方乃言無患苦豈棄父母鄉非不見其心仁惠誠所望念之何可說獨立為悽傷

壽翁興

借問多壽翁何方自修育惟云順所然忘情學草木始知世上術勞苦化一作分金玉不見充一作慙所求空聞肆一作恣

耽欲清和存王母潛獲無亂黷誰正好長生此言堪佩服

農臣怨

農臣何所怨乃欲干人主不識天地心徒然怨風雨將
論草木患欲說昆蟲苦廻宮闕傍其意無由吐一朝
哭都市淚盡歸田畝謠頌若采之此言當可取

謝大

一作天

龜

客来自江漢云得雙大

一作天

龜且言龜甚靈問我君何

疑自昔保方正顧嘗無妄私順和固鄙分全守真常規
行之恐不及此外將何為惠恩如可謝占問敢終辭

古遺歎

古昔有遺歎所歎何所為有國遺賢臣萬世為冤悲所
遺非遺望所遺非可遺所遺非遺用所遺在遺之嗟嗟
山海客全獨竟何辭心非膏濡類安得無不遺

下客謠

下客無黃金豈思主人憐客言勝黃金主人然不然珠

玉成

一作誠

彩翠綺羅如嬋娟終恐見斯好有時去君前

豈知保忠信長使令德全風聲與時茂歌頌萬千年

漫歌八曲

并序

壬寅中漫叟得免職事漫家樊上修耕釣以自資
作漫歌八曲與縣大夫孟士源欲士源唱而和之

故城東

漫惜故城東良田野草生說向縣大夫大夫勸我耕耕
者我為先耕者相次焉誰愛故城東今為近郭田

西陽城

江北有大洲洲上堪力耕此中宜五穀不及西陽城城
畔多野桑城中多古荒衣食可力求此外何所望

大回中

樊水欲東流大江又北來樊山當其南此中為大回回
中魚好遊回中多釣舟漫欲作漁人終焉無所求

小回中

叢石橫大江人言是釣臺水石相衝激此中為小回回
中浪不惡復在武昌郭來客去客船皆向此中泊

將牛何處去二首

將牛何處去耕彼故城東相伴有田父相歡惟牧童

將牛何處去耕彼西陽城叔閑修農具直者伴我耕

叔閑

漫叟韋氏甥直者漫叟長子也

將船何處去二首

將船何處去釣彼大回中叔靜能鼓撓正者隨弱翁

叔靜

漫翁李氏甥正者漫翁次子也

將船何處去送客小回南有時逢惡客還家亦少酣

引極三首

并序

引極興也喻也引之言演極之言盡演意盡物引

興極喻故曰引極

思元極

天曠莽兮杳泱茫氣浩浩兮色蒼蒼上何有兮人不測
積清寥兮成元極彼元極兮靈且異思一見兮藐難致
思不從兮空自傷心慄慄兮意惶惶思假翼兮鸞鳳乘
長風兮上音貢揖元氣兮本深實餐至和兮永終日

望仙府

山鑿落兮眇嶽岑雲溶溶兮木杳杳中何有兮人不覩

遠歆差兮閔仙府彼仙府兮深且幽望一至兮藐無由
望不從兮知如何心混混兮意渾和思假足兮虎豹超
阻絕兮凌越詣仙府兮從羽人餌五靈兮保清真

懷潛君

海浩淼兮汨洪溶流蘊蘊兮濤洶洶下何有兮人不聞
深溢漭兮居潛君彼潛君兮聖且神思一見兮藐無因
思不從兮空踟躕心回迷兮意縈紆思假鱗兮鯤龍激
沆浪兮奔從拜潛君兮索玄寶佩元符兮軌皇道

演興四首

并序

商餘山有太靈古祠傳云秦龍氏祠大帝所立祠
在少餘西乳之下邑人修之以祈田予因為招詞
詔閔之文以演興辭曰

招太靈

招太靈兮山之巔山屹岼兮水淪漣祠之櫺

音賴
壞也

兮

眇何年木脩脩兮草鮮鮮嗟魑魅兮淫厲自古昔兮崇
祭禧太靈兮端清予願致夫精誠久懈兮恍恍招拒孺

兮呼風風之聲兮起颺颺吹玄雲兮散而浮望太靈兮
儼而安澹油溶兮都清閒

初祀

山之乳兮葺太祠木孫為楠兮木母椽雲纓為楣兮愚
木栢洞淵禪兮揭巍巍塗木蘭兮蒔穠蔦被弱草兮禘

祔聯仡渾洪兮馥闐闐管化石兮洞剗天翹修鈿

山鑒切大

鍊也兮掉蕪芟靈巫

譟力水切

兮舞顓干薦天鯨兮酒陽泉

獻水芸兮飯霜私與太靈兮千萬年

訟木魁

第二十句
缺一字

登高峰兮俯幽谷心忤忤兮念羣木見擣拷兮相陰覆

憐侵榕兮不豐茂見榛梗之森梢閔樅播兮合蠹摺

音習

橈橈兮未堅棹根根兮可屈樞

音蜜香木

林樽兮不香拔丰

茸兮已實豈元化之不均兮非雨露之偏殊諒理性之

不等於順時兮不如瘞吾心以冥想終念此兮不怡怡

予莫識天地之意兮願截惡木之根傾臬獍之古巢取

童以為薪割大木使飛焰徯枯腐之燒焚實非吾心

之不仁惠也豈耻夫善惡之相紛且欲畚三河之膏壤
裨濟水之清漣將封灌乎善木令櫛櫛以挺挺尚畏乎
衆善之未茂兮為衆惡之所挑凌思聚義以為曹令敷
扶以相勝取方所以柯如今吾將出於南荒求壽藤與
蟠木吾將出於東方祈有德而來歸輔神攄與堅香且
憂顓之翩翩又愁猱同於之奔馳及陰陽兮不和惡此土
之失時令神攄兮不茂使堅香兮不滋重嗟惋兮何補
每齊心以精意切援祝於神明冀感通於天地猶恐衆

妖兮木魅魍魎兮山精上誤惑於靈心經紿于言兮不
聽敢引佩以指水誓吾心兮自明

閔嶺中

首句缺一字

羣山以延想吾獨閔乎嶺中彼嶺中兮何有有天含
之玉峰殊閔絕之極顛上聞產乎翠茸欲采之以將壽
眇不知夫所從大淵蘊蘊兮絕戔戔非梯梁以通險
當無路兮可入彼猛毒兮曹聚必憑託乎阻脩常凝凝
兮伺人又如何兮不愁彼妖精兮變怪必假見於風雨

常閃閃而伺人又如何兮不苦欲仗仁兮託信將徑往
兮不難久懷懷以悵惋却遲迴而永歎懼大靈兮不知
以予心為永惟若不可乎遂已吾終保夫直方則必蒙
皮篥莫遙切以為矢弦毋筱篠同以為弧化毒銅以為戟刺

棘竹以為矢得猛烈之材獲與之而並驅且春刺乎惡

毒又引射夫妖怪盡羣類兮使無令善仁一作人兮不害

然後采棖榕以駕深収樅櫨兮梯險躋予身之飄飄承
予步之趺趺入岭中而登玉峰極閎絕而求翠茸將吾

壽兮隨所從思未得兮馬如龍獨翳蔽於山顛久低迴

而愠瘳空仰訟

一作訴

於上玄彼至精兮必應寧古有而

今無將與身而皆亡豈言之而已乎

御定全唐詩卷二百四十